

桃大王因果錄

卷下

說部叢書第三集第五十七編



桃大王因果錄卷下

第七章

明日早餐後。大露機謂茅羅曰。吾有一僻字。汝或不識。茅羅平日不欲開罪女士。卽應曰。吾或知之。時晴日滿窗。茅羅自念。爲生平之吉日。不欲以人觸忤。生厭惡之心。大露機曰。此字爲 *Fei*。其義指常人無謂而矜張。茅羅曰。果吾無故矜張。良足厭惡。然女士須知吾之欣悅。逾恆亦自有說。大露機仍以言窘之曰。凡人喜極而悲。且接踵而來。茅羅曰。此物理。吾亦知之。但吾悲哀之事。正在此十句鐘以後。不難待也。吾今日正欲釣取不幸之事。且此不幸之事。亦譬如電漂。大露機曰。不幸之時。長恐不能瞥然去也。茅羅曰。不幸之事。當以身遇之。如試牛。必先握其角。則不幸之事。庶幾或免。吾今方欲試牛。不能久淹於此。大露

機怫然不悅。茅羅不欲其怒。意今爲吉日良辰。意欲舉天下之人。皆得意如己。方爲美滿之事。卽恭謹言曰。待吾歸時。再行奉白。大露機曰。吾甚不欲與聞人之隱事。茅羅曰。吾甘奉白。卽不爲隱。且此事初不許人。但語女士。此亦足表吾誠。大露機微悅。於是茅羅匆匆自出。大露機目送之。曰。此風漢也。吾心至以爲悲。此時茅羅至叩提亞支心中。但從喜悅中思維。初未計及敗興之事。自念一嚮維患德蠻德之見斬。今則如雲翳盡而窺見蒼天矣。前此尤患與巴拉司晤面。且預防巴拉司斥其逾分而貪財。然自信不專爲財。實愛其人。猶之牙痛往尋牙醫。拔去其齲齒。故恐懼與期望之心交戰於方寸。顧齒痛漸耳。卽使巴拉司爲梗。而女心不變。事尙可圖。巴拉司雖不見允。遲此一年而二十一歲之期已到。則女可自由。婚亦必遂。於是去憂而復樂。自念此身何福。而德蠻德乃竟垂青。則生平之福亦滋不鮮。第一年之久。其縣互大似百年。歲月悠悠。何以自

遣。然。而。無。傷。也。今。日。二。人。尚。住。一。處。幸。巴。拉。司。皇。帝。之。綸。音。未。下。不。能。隔。絕。我。好。但。未。知。此。綸。音。下。自。何。時。耳。此。時。喜。氣。往。來。胸。中。覺。入。眼。皆。呈。喜。氣。而。平。時。厭。惡。巴。拉。司。亦。因。而。減。蓋。世。界。中。果。容。有。情。者。都。成。眷。屬。則。有。情。亦。悅。此。世。界。之。人。何。必。判。別。薰。蕕。至。於。已。甚。茅。羅。行。次。忽。見。有。二。童。子。甚。褻。褻。方。凝。立。於。糖。肆。之。外。望。內。而。流。涎。茅。羅。直。前。擒。此。二。童。子。入。肆。出。二。佛。郎。擲。諸。肆。人。請。以。糖。授。二。童。子。匆。匆。自。出。而。二。童。子。與。合。肆。之。人。皆。愕。笑。不。知。其。所。以。然。但。疑。爲。風。人。而。已。已。而。至。叩。提。亞。支。爲。時。早。十。分。鐘。尚。須。少。待。此。時。與。巴。拉。司。晤。面。甚。邇。然。尚。自。慰。亦。思。大。露。機。之。言。疑。其。不。幸。而。中。則。又。戚。然。無。歡。時。德。蠻。德。自。樓。上。盈。盈。而。下。見。茅。羅。氣。概。昂。然。無。消。沮。之。意。客。棧。中。人。不。審。英。文。茅。羅。方。以。己。名。教。以。英。文。繙。法。文。反。切。之。法。登。之。門。籍。司。閹。者。如。言。書。之。且。熟。念。不。已。德。蠻。德。聽。之。莞。爾。司。閹。者。見。女。已。下。樓。遂。出。德。蠻。德。笑。曰。汝。方。授。徒。不。幾。爲。我。斷。其。雅。

興耶。茅羅曰。我本爲教習。常至此間。防閑者誤述吾名。故教之以英文反切。庶無差也。此來欲面長者。未卜吉凶。姑於此待之。女曰。爾氣良勁悍。似此岌岌履危之際。尙能拓其餘閒。與閨人論反切直好。整以暇者也。茅羅曰。吾來時。初未計及。一心皈依於爾。不知其他。此時同立堂塗之間。四望無人。於是抱而親吻。瞥見二客同入。一英一法。見狀微笑。茅羅曰。吾二人親愛之狀。竟似見諸人羣之間。此時鐘動。十點有半。茅羅愕然。而司閤者自內出。呼曰。巴拉司先生。請茅羅先生入面。語時幸不謬舛。行次。問女曰。長者見客以何時。似逆旅中人。咸知晷刻。語後。時時迴顧德蠻。德而德蠻。此際容光較前似增十倍之美。女自允婚之後。而茅羅腦中心上。全爲德蠻德之聲容填塞都滿。此外百無所染豫矣。入時。見巴拉司所居處。甚華美。此逆旅在克甄中爲第一。茅羅在客。均居中下二等。乃未目此精美之構。然每進一步。心輒忐忑。不寧。行步稍覺趑趄。迨進門。

百色琳琅。均爲日中所未覩。先至客廳。已通巴拉司私室。但就廳中陳設觀之。王室精華。不是過也。廳旁有座。座次置一銅盤。上積餅餌。其次則女人製衣之緣。金綵耀目。紛綸於案上。似已未來以前。德蠻德方選此衣緣。聞聲而下。侍者引入巴拉司書屋。案上積書牘無數。旁有電話筭。其下置廢紙之筐。外則報紙重疊。有已經剪取者。因悟及連日以來未曾閱報矣。侍者報言。茅羅先生至。茅羅自思。此來或爲末次矣。巴拉司起迎。握手曰。先生嚴守祕密。至於此邪。茅羅大驚。以爲私訂婚約之事。爲巴拉司所覺。卽曰。此祕密之事。必告先生。他人焉能得聞。巴拉司曰。然則交情切矣。復與引手。而茅羅此時心中鄙薄其人。忽覺較前爲甚。顧見巴拉司神情甚和美而親切。初無嫚褻之容。茅羅自念。此人胡以加禮如是。或德蠻德預告之邪。不然。何傾襟推抱至是。旣而又思。此人有意行僞。先作此態。後乃峻却。使我喪志而歸邪。然細觀其狀。又非揶揄之比。巴

拉司曰。吾今日宜賀君邪。宜弔君耶。語時。至和婉可親。茅羅尤怪。張吻至不能答。但曰。不解先生言中之意。尙疑美國人之詭譎。言弔者。或弔己之不應求婚也。巴拉司曰。汝胡爲僞爲不知。以我信君。非妄想倖財者比。茅羅尤疑曰。非敢望君周濟吾貧。此心當能見信。巴拉司曰。安有是心。惟吾賀君者。非賀得財。蓋意別有屬。君今年少。又爲英人。得襲世爵。其事至佳。茅羅曰。鄙人何由得爵。詎德蠻德先代有爵。欲其壻承襲邪。巴拉司曰。吾言君應襲先代之爵耳。茅羅大驚。如水澆其背。愕顧曰。或先生誤。鄙人草茅下士。安有五等之封。巴拉司笑曰。然則君不知耳。吾則知之。往報館好爲讐言。今各報皆然。或非謬誤。君若弗信。試取各報中所載觀之。於是茅羅曰。吾兩日不閱報矣。巴拉司曰。然則君果不知耳。於是抽翻各報。指一闌相示曰。試觀之。茅羅取報。覺眼中似有稜纈。細讀始知。各報大略相同。題曰。蘭卡西亞有一凶事。中言世爵茅羅馬威武及其子。

皆死。蓋淹諸湖中。二子悉從而沒。世爵本有三子。長子則病死於世爵未死之前二月。前二月中。茅羅方病。不閱報。故未之知也。於是各報言死狀。彼此不同。湖屬其家。素有凶徵云云。然其言世爵之死。人人同也。下云。老伯爵死。其承襲者。爲其姪柳克。柳克。茅羅名也。且言柳克方在夏碩得爲教習。茅羅觀之。巴拉司曰。報端明白宣示。君何言不知。茅羅曰。吾實弗知。此時知求婚之事。穩健如山。喜氣充溢。眉宇。巴拉司曰。適間所言。彼此誤會。今但問先生此來何爲。茅羅知此身足以配德蠻德矣。卽曰。此來專爲求婚於先生之內姪女。乞先生俯允所請。巴拉司曰。此事曾否商之德蠻德。茅羅曰。昨日已蒙萬金之諾。巴拉司曰。我亦思維及此。前此尙弗之知。今則了了。君爲富貴中人。惟君尙未知今日之如是。但冒進而已。茅羅曰。誠然。想吾世父必有律師見告。惟世父生時。或未必卽擁重資。巴拉司曰。德蠻德本有家資。君當知之。茅羅曰。知其有資。在吾求婚。

以後成時。引以爲悔。果豫知其富。何敢妄求。巴拉司曰。然則君所不知者。無幾耳。於是以悅色視之。似出之本懷。德蠻德屬耳。於隔室靜俟其結局。乃言之。滋長。幾不能待。意言長。則消息佳。巴拉司生平果不滿意者。一言卽了。未嘗喋喋不休。雖未辨其然否。然音吐琅琅可辨。已而茅羅出。女疑其無濟。及見茅羅喜溢於面。而巴拉司亦出。但與點首。卽入。於是二人懽悅。亦不之顧。女曰。如何。茅羅曰。不止見允。且有勝於。是者。今日之事實爲世界之創聞。遂一一語以允。婚及襲爵之事。而巴拉司復自內出。曰。此臨飯之時矣。卽謂茅羅曰。想能同我一餐。茅羅曰。吾宜歸視西歐多。以出時。彼不之覺。宜趣歸慰撫。巴拉司曰。君爲教習。僅此一次矣。速歸。引西歐多同來共飯。茅羅旣歸。蓋來時悵悵歸時。爲喜氣所乘。幾如淩雲而高飛。俯視百物。皆適心。而悅曰。旣得美人。復加富貴。人生美滿之事。至此極矣。道中忽見大露機獨行。以綠繖翳日。昂然而來。其冷澀之容。

較前爲甚。似大露機。一生幾不知樂。爲何事者。茅羅得意中。卽鞠躬言曰。密斯大露機。吾侍行歸寓。亦允我乎。大露機曰。一路同歸。何能不侍。茅羅笑容可掬。較之前此。似愈顯其少年。大露機亢聲曰。汝勿喜笑。樂極防其生悲。茅羅曰。恐密斯先知之。明不驗矣。吾之否運。已過於今日。實爲世間至有運命之人。大露機曰。然則似得妻矣。茅羅曰。然。此爲吾第一次告人者。果如言娶矣。大露機曰。世間安有佳運。吾意此娶不如不娶。爲適。茅羅謝曰。密斯可勿爲吾廬念。果見吾聘妻密斯德蠻德者。卽知吾之樂且未央也。大露機以手自按其吻。笑曰。德蠻德固佳。然吾意以不娶外國女爲善。茅羅曰。德蠻德爲美國人。大露機正色曰。惜哉。吾一生藐視英國之產。以好與人離婚可醜也。

第八章

茅羅歸。一一告之西歐多。西歐多大喜欲狂。蓋德蠻德之允婚。初不爲異。西歐

多亦知先生之風儀及學問。萬無不允於女郎。果不允者。或其女顓愚不復知。生人之事者。至於無因得爵。則流品驟高於己之身世。亦可附末光而顯。西歐多之家。本居中下。今得世爵爲師。則輕藐之者亦當稍殺。且西歐多之狂喜。較茅羅爲甚。茅羅語時。尙含羞澀。而西歐多之喜轉使茅羅退縮而無言。卽謂西歐多曰。爾勿張目視我。我雖得爵。其狀態仍不能改我清寒。而西歐多則一無聞知。但覺後來稱謂其師。必曰世爵。此足異也。且不料其師之得此。兼得德蠻德。婚期無論何時。均可成禮。西歐多亦不計及於此。蓋茅羅與德蠻德締姻。於己亦不爲無益。以親串之故。可以常與伊絲締阿把晤。己之姻事。亦可就中而圖。巴拉司果時。延茅羅同飯。則西歐多之與席。正不待言。此時二人匆匆赴席。男女五人共飯。而殺烝亦極精良。主客之間。人人遂意。伊絲締阿者。見茅羅與德蠻德定婚。心亦滋愜。久知茅羅決不求婚於己。而西歐多則注意良深。此時

與西歐多論茅羅所以猝得富貴之故。言之津津。顧西歐多實茫然不審茅羅之家世。巴拉司曰。吾曾於報章中見茅羅伯爵所居府第之圖。大抵似在月報之中。吾當時未識茅羅先生。故不加意。但髣髴憶得其圖。伊絲綈阿聞言。立奔至樓上。取報尋檢。卽囑西歐多相助爲理。而西歐多受伊絲綈阿之命令。亦喜溢顏色。奔走不遑。時案上列糖果無數。女坐檢其佳者。以犒西歐多。而西歐多見糖瓶至佳。忽疑爲女意中人之所饋。頗怏怏無歡。又念丈夫已壯。乃戀此淺微之食物。將爲人嗤鄙。伊絲綈阿見西歐多夷猶不進。卽曰。汝不悅是物耶。西歐多曰。吾年已壯。非復兒時。不戀此矣。女聞言。笑曰。汝固不嗜。我則嗜之。西歐多頗慙赧。俯而檢報。巴拉司曰。爾眼力殊鈍。胡以不能卽檢而出。德蠻德隅坐。則恬靜逾於平時。一聽伊絲綈阿之發議。默不作語。然玉顏如仙。於嫩白中。漏出鮮紅。若含苞之玫瑰。德蠻德忽曰。報積如山。胡能徧檢。或且老人在他處寓。

目不載於此。伊絲綈阿曰。我必得之。伊絲綈阿一言。而西歐多精神。乃百倍。檢討愈勤。讀吾書者。當知德蠻德之意。實不欲得是圖。而心神頗形恍忽。因憶茅羅家有遺恨之事。防凶宅。卽在圖中也。已而西歐多大呼曰。吾得之矣。德蠻德身顫臂動。竟推倒座右之瓶。花落而水撒。瓶幸未破。於是衆爭集觀。茅羅則與德蠻德耳語。而彼三人方引目注此圖中。不及察也。觀圖時。伊絲綈阿言曰。此屋非古。茅羅忽有所思。卽曰。吾曾聞吾父言。在十八世紀中。經火矣。此特新構。全非故形。伊絲綈阿曰。燬餘都無古迹。邪。茅羅曰。聞但餘巨廳。及零星數屋。餘皆新造者。伊絲綈阿曰。果能一憶前言。必能稍識故物。茅羅曰。所憶者。亦區區僅有此語。他不審矣。巴拉司曰。德蠻德汝不臨觀耶。後來卽爾之居宅。茅羅聞言。卽迴面笑語德蠻德。取進止。忽見德蠻德斗然變色。喜悅之狀。立時遽斂。德蠻德方凝目視茅羅。似未聞巴拉司之言。而恐懼之狀。可掬。徐曰。取報授我。然

已手顫不止。伊絲綈阿哂曰：「此爲爾家胡至震懼如是。且此房與爾最合。爾一生好古，得居古屋，當也。吾尙惜其但遺區區未足稱爾之懷。」德蠻德觀報時，茅羅背立其後，然竟不能盡觀其圖。德蠻德曰：「圖亦非佳。」初無意味之足尋，則掩卷寘之裙上。伊絲綈阿曰：「據爾狀態而言，似不關心此屋。」德蠻德曰：「吾本欲細勸屋中之結構，特是圖初不爲佳。」回視茅羅曰：「爾不能就英國得照片耶？」此爲德蠻德第一次委託茅羅者。茅羅聲諾曰：「吾卽於今夕作書歸英國取片。」巴拉司曰：「德蠻德吾之案頭有報數紙，爾導世爵入室觀之。」巴拉司之意蓋欲彼夫婦同入靜室談心耳。茅羅聞言至悅，可以攜德蠻德入門，且避巴拉司不欲與言，似斂避惡氣，吸取清冷之空氣。二人旣入，靜坐片晌，茅羅心神始清。且此時婚禮未成，時時必與巴拉司相見，萬不能以輕藐之故謝去其人。然亦不自知其所以然，但覺與德蠻德雖已結婚，而嗤薄巴拉司之心絲毫無減。時案上報

紙重疊初不披檢。但坐談已事。幾忘夜之既央。忽聞鐘動。茅羅愕然。卽德蠻德亦覺其言之長。而座上之三人。尙坐而靜候。二人皆含羞赧而出。及二人出時。則西歐多與伊絲綈阿亦正作長談。而巴拉司已偃臥。伊絲綈阿則方引西歐多之手諦觀。彼此對立如醉如癡。神情甚劣。茅羅心方得意。亦不以二人之劣狀爲奇。正欲其得諧燕好也。及再觀德蠻德之玉容。似極人間之能言能畫。能文者。皆不能實描其美。而伊絲綈阿雖美。佻而不莊。終不類德蠻德之娟淑。蓋伊絲綈阿之美。舍德蠻德外。原無比並之人。乃靜察其意。似頗屬心於西歐多。果西歐多求婚。則巴拉司似未卽許。然亦委之於憑虛之想。而事實或不如是。時已夜深。宜行。伊絲綈阿亦倦而思寢。巴拉司則送二人於門外。德蠻德於二人行後。則檢點零星紛披之報紙。及雜亂之書籍。巴拉司旣歸。覺有字灰之氣。味頗加怪。問德蠻德漫應之。旣請晚安。遂亦自歸寢室。是夕天氣新涼。而室中

甚煖者。以爐火已生。巴拉司臨視。則故紙方然。燒而未燼。巴拉司不辨焚者之爲何字。小立移時。思索其事。不得。則搖首不言。就榻而寐。茅羅於明日卽延巴拉司及二女同至。己寓午餐。先期戒庖。令務精美。法人不審英語。茅羅再三譯之。始晰。茅羅平日素食。於烹調事初不了。一旦延客。頗以爲難。旣與庖人商酌。乃恆相忤。過時之物。仍列食單。庖人見而大笑。於是罷議。一令庖人酌之。茅羅乃並大露機亦延之入席。而大露機此時亦不復爲敗興之言。但臨飯時。衣著甚古。狀態亦傲兀觸人。此時巴拉司及二女咸至。茅羅爲之介紹相見。而大露機頗注目此兩美人。伊絲綈阿衣粉露之衣。珠寶滿之。德蠻德則白衣高素。髻上簪一玫瑰之花。爲茅羅所贈。二女一華一樸。界限井然。德蠻德旣與大露機相見。語時落落大方。不爲煩瑣之談。伊絲綈阿私語茅羅曰。何爲延此可憎之老嫗。茅羅曰。是能降格爲我老友。飯時頗豐腴。大露機與巴拉司語。各逞機

鋒。亢不相下。而德蠻德則謙而中禮。大露機悅甚。西歐多則專與伊絲綈阿語。茅羅則自思。後此與德蠻德雙栖。但有歡樂。或無悲梗之事。乃不知後來有黑氛一片。掩其前途。此時漫漫。尙無迹兆也。飯時。語德蠻德曰。吾已馳書取照片矣。語時。德蠻德忽爾一訝。似有所思。而茅羅初不之覺。筵中歡樂無極。飯後立散。而大露機與茅羅申謝後。似宜盛稱德蠻德之佳。而大露機果曰。吾爲爾賀。茅羅曰。吾知女士一見吾未婚之妻。必有是言。女士謂吾聘妻美乎。大露機曰。美何待言。人亦和平。然吾不爲若友慶也。茅羅曰。君言良然。吾亦不願女士慶吾友也。彼巴拉司意別有在。何能立如吾友之意。大露機曰。吾意甚薄。伊絲綈阿太飄忽。而輕佻。滋非良匹。茅羅曰。彼特兩小之相從。語後頗悔。蓋己年亦未滿三十也。大露機曰。即使穉女。穉子亦當有一定之性情。不能輕易至此。以吾思之。令友所爲。良不滿吾意。茅羅笑曰。君亦不悅伊絲綈阿耶。大露機曰。幸我